

- *1. وزیر اعظم نریندر مودی نے کے ایس کے ریلوے سٹیشن بنگلور و تیں 3 وندے بھارت ریل گڈیاں نانہہ ہری جھنڈی دس غے روانہ کیو ہے۔ اُنہاں نے کٹڑہ امرتسر ایکسپریس ریل گڈی نانہہ وی مجازی طور ہری جھنڈی دس غے روانہ کیو۔
- *2. وزیر اعظم غا دفتر مانہہ وزیر مملکت ڈاکٹر جتندر سنگھ نے کہیو ہے جے کٹڑہ تیزی سنگ جموں کشمیر غو سیاحتی دارالحکومت غا طور ور اُبھر رہیو ہے۔ کیونکہ بدھتی رابطہ کاری سنگ سیلانیان غور ش وی بدھے۔
- *3. کشتواڑ غا ڈول کوار علاقہ مانہہ حفاظتی دستاں تے دہشت گرداں بشکار تصادم اجوں جا ری ہے۔
- *4. جموں میونسپل کارپوریشن نے آج جموں مانہہ "برگھر ترنگا" ابھیان غے تحت سوچھ جموں دور 2025 غو انعقاد کیو۔
- *5. بڈھا امرناتھ جی غی سالانہ یاترہ آج چھڑی مبارک دشمنی اکھاڑہ پونچھ مانہہ پُجن نال اختتام پزیر ہو گئی۔

خبراں غی تفصیل نال پہلاں عبدالرحمان شاہین۔

PM Vande Bharat

وزیر اعظم نریندر مودی نے آج بنگلور و مانہہ نقل و حرکت نانہہ بہتر بنان واسطے بکھ بکھ پروجیکٹاں غو افتتاح تے نی پتھر رکھیو۔ آج بنگلور و پُجن تیں بعد اُنہاں نے بنگلور و تے بیلا گوی غے بشکار وندے بھارت ریل گڈی سروس غو افتتاح کیو۔ اُنہاں نے کٹڑہ تے امرتسر غے بشکار تے اک ہور سروس ناگیور تیں پونے تک وی مجازی طور ور ہری جھنڈی دس غے روانہ کیں۔

PM Vande Bharat Katra

وندے بھارت ایکسپریس ریل گڈی بنگلور و تیں کٹڑہ تے امرتسر غے بشکار چلن لگی ہیں۔ جہیڑو بھارت غی جدید ریل رابطہ کاری مانہہ اک ہور سنگ میل ہے۔ اس موقع ور وزیر اعظم غا دفتر مانہہ وزیر مملکت ڈاکٹر جتندر سنگھ نے اس قدم غو خیر مقدم کیو ہے۔ کٹڑہ اور اس خطہ مانہہ سیاحت نانہہ فروغ دین واسطے اس غی اہمیت نانہہ اُجاگر کیو۔ ڈاکٹر جتندر سنگھ نے کہیو جے کٹڑہ تیزی سنگ جموں کشمیر غو سیاحتی دارالحکومت بن غے اُبھر رہیو ہے، تے بہتر ریل رابطہ کاری سنگ ات سیلانیان غی آمد مانہہ نمایاں اضافو وے گو۔ اس پارے بولتاں واں اُنہاں نے اس طرح کہیو۔ اسے دوران سماجی ذرائع ابلاغ پیغام مانہہ لیفٹنٹ گورنر منوج سنہا نے نویں ریل گڈی خدمات واسطے اظہار تشکر کرتاں واں کہیو ہے جے وے وزیر اعظم نریندر مودی غا شکر گزار ہیں جے اُنہاں نے امرتسر تیں ماتا ویشنو دیوی کٹڑہ سٹیشن تک وندے بھارت ریل گڈی غو افتتاح کیو ہے۔

Kishtwar Encounter

ضلع کشتواڑ غا ڈول کوآر علاقہ مانہہ حفاظتی دستاں تے پاکستانی دہشت گرداں غے بشکار جھڑپ جاری ہے۔ مہارہ نمائندہ کلش ناتھ غے مطابق کشتواڑ مانہہ آج سویرے ڈول کوآر علاقہ مانہہ اُس وقت یوہ تصادم شروع ہوئو۔ جد حفاظتی دستاں نے اک خفیہ اطلاع غی بنیاد ور تلاشی آپریشن غے دوران دہشت گرداں سنگ رابطو قائم کیو۔ یوہ ٹاکرو حفاظتی دستاں تے دہشت گرداں غے بشکار فائرنگ غا تبادلہ مانہہ بدل گیو۔ اندازاً 2 پاکستانی دہشت گرد اس تصادم آلی جگہ ور کہیرہ مانہہ پھنسیا واہ ہیں، تے حفاظتی دستہ اس خطرہ نانہہ ختم کرن واسطے آپریشن جاری رکھیا واہ ہیں۔ اتوں مزید تفصیلات دے رہیا ہیں مہارہ نمائندہ کیلاش ناتھ۔۔ با ٹ۔۔

Jammu Dekho Sabko Dikhao

محکمہ سیاحت نے "جموں دیکھو سب کو دیکھانو" عنوان نال اک دلچسپ ڈیجیٹل مہم غی شروعات کی ہے، جس مانہہ مواد غا تخلیق کاراں اور اثر و رسوخ نانہہ خطہ غا چھپیا واہ جواہرات نانہہ تلاش کرن غی دعوت دتی گئی ہے۔ جموں غا روحانی، ثقافتی، قدرتی اور ورثہ غی پر کشش مقامات نانہہ آجاگر کرن غا مقصد نال یاہ مہم مکمل طور مالی تعاون نال ایف اے ایم اشانی غا دورہ پیش کرے۔ شراکت داراں نے اعلیٰ معیار غا مواد غی ویڈیو ریلیز، بلاگ تے کہانیاں ور قبضہ کرن آلا مستند تجربات بنائیں گا۔ سفر، قیام اور انتظام وغیرہ محکمہ سیاحت جموں و کشمیر غے ذریعے کیو جائے گو۔ بھارت غا تخلیق کاراں غی حوصلہ افزائی کی جائے کہ وے اندراج شدہ ویں۔ اور جموں غی غیر استعمال شدہ خوبصورتی نانہہ دنیا غے باتدے لیان مانہہ مدد کریں۔

Ramban Sports

نوجوان خدمات اور کھیڈاں غا محکمہ نے رام بن مانہہ بین اسکول ضلع سطحی کھیڈ مقابلہ شروع کیا ہیں۔ جس مانہہ 14 تیں کہٹ، 17 تیں کہٹ تے 19 تیں کہٹ عمر با کسنگ غا زمرہ مانہہ لڑکا تے لڑکیں شامل ہیں۔ ضلع غا تمام 6 زوناں غا طلبہ اپنی صلاحیتاں اور مسابقتی جذبہ غو مظاہرہ کرتاں واں سرگرمی نال حوصلے رہیا ہیں۔ ان نوجوان کھیڈاریاں غی حوصلہ افزائی کی جا رہی ہے کہ وے یوٹی، قومی اور بین القوامی سطحوں ور بہترین کارکردگی غو مظاہرہ کرن واسطے ضلع انتظامیہ غا مکمل تعاون نال یاہ تقریب "نشہ مکت بھارت" مہم نانہہ وی فروغ دے۔ جس نال طلبائ نانہہ اک صحت مند، منشیات توں پاک طرز زندگی غو عزم کرن غی ترغیب ملے۔ اس بارہ مانہہ گل کرتاں واں ضلع نوجوان خدمات تے کھیڈاں بارے افسر رام بن جگدیش راج شرما نے اس طرح کہیو۔۔۔ با ٹ۔۔

مزید خبراں نال محمد اکرم چودھری ور اُس تیں پہلاں یوہ پیغام۔(یہ خبر تم آکاشوانی جموں تیں سن رہیا ہیں، تے یہ خبر مہاری ویب سائٹ نیوز آن آنیر ڈاٹ گوو ڈاٹ ان ور وی دستیاب ہیں، اس) تیں یہ خبر مہاری موبائل ایپ تے ڈی ٹی ایچ ور وی دستیاب ہیں

Swachh Run

جموں میونسپل کارپوریشن غی طرفوں آج جموں مانہہ سوچھ جموں دوڑ 2025 غو انعقاد کیو گیو۔ اس دوڑ نانہہ بابو پلازہ تیں صوبائی کمشنر جموں رامیش کمار نے جے ایم سی کمشنر دیوانش یادو اور میونسپل کارپوریشن غا سینئر افسراں کی موجودگی مانہہ جھنڈی دس غے

روانہ کیو۔ اس دوڑ غو انعقاد 2 رُمرہ مانہہ کیو گیو تھو، جہیڑو 10 کلو میٹر تے 5 کلو میٹر مانہہ تھو۔ یاہ دوڑ ریلوے سٹیشن، پانامہ چوک جموں یونیورسٹی گجر نگر اور جیول چوک تیں بوتان واپس بابو پلان اور اختتام پزیر ہوئی۔ دوڑ غو بنیا دی مقصد شہریاں مانہہ صفائی، صحت مند، طرز زندگی نانہہ فروغ دینو تھو۔ اس موقعہ ور بولتان واپس صوبائی کمشنر جموں رامیش کمار نے اس طرح کہیو۔ بانٹ۔ جدکہ اس بارہ مانہہ گل کرتاں واپس جے ایم سی کمشنر ڈاکٹر دیوانش یا دنو نے وی اس طرح کہیو۔ بانٹ۔

Kousarnag HGT

جد پو تر کوثر ناگ یا ترہ غی چوٹی ور بھارتی ترنگو فخر سنگ لہرایو گیو تاں حُب الوطنی اپنی انتہا نانہہ پُج گئی۔ تے یوہ روحانی سفر قومی فخر غی اک دلکش تقریب مانہہ بدل گیو۔ برف سنگ پریا پانیاں پُر پیچ ہمالیائی چوٹیاں غا پس منظر مانہہ بھارت ماتا کی جے غا نعران نے وادی مانہہ گونج پیدا کی۔ جہیڑی اُت موجود ہر دل مانہہ گرما گئی۔ ہر گھر ترنگا 2025 مہم غے تحت اس تقریب نے سینکڑاں عقیدت مندان نانہہ اکھٹاں کیو۔ جنہاں نے اس تاریخی لمحہ نانہہ دیکھن واسطے مشکل پیدل سفر برداشت کیو۔ اس اونچائی ور پرچم غو لہرایو جانو نہ صرف عقیدت غی کامیابی تھی بلکہ اتحاد غی اک طاقتور علامت غے طور ور وی کھلو تھو۔

Tiranga Bike Rally

پونچھ پولیس نے ضلع انتظامیہ پولیس غے سنگ مل آج اک ترنگا موٹر سائیکل ریلی غو احتتام کیو، تانجے حُب الوطنی تے قومی فخر غا جذبہ نانہہ منایو جا سکے۔ ریلی غو آغاز ڈپٹی کمشنر پونچھ آشوک کمار شرما نے کیو۔ جن غے ہمراہ ایس ایس پی پونچھ شفقت حسین تے لڑکاں غا گو رمنٹ ہائر سکینڈری اسکول پونچھ غا طلباء وی موجود تھا۔ یاہ ریلی کانویاں بھین، کنیتھر، کلانی تے ڈنگلہ سکھا کٹھ تیں گزرتی وی کھیڈ سٹڈیم پونچھ مانہہ اختتام پزیر ہوئی۔ اس تقریب مانہہ مقامی لوکاں، سرکاری افسران تے حفاظتی اہلکاراں نے بھرپور شرکت کی۔ جس سنگ پہائی چارہ تے سانجھو حُب الوطنی غو جذبہ پروان چڑھیو۔ اس موقع ور ڈپٹی کمشنر پونچھ آشوک کمار شرما نے اس طرح کہیو۔ بانٹ۔

Buddha Amarnath

بڈھا امرناتھ جی غی سالانہ یا ترہ آج اختتام پزیر ہوئی ہے۔ جس مانہہ بھگوان شیو غی مقدس چھڑی مبارک شری بڈھا امرناتھ جی مندر مانہہ 3 دن آرام کرن توں بعد واپس شری دشنامی اکھاڑہ پونچھ پُج گئی ہے۔ مذہبی نعرا لاتاں واپس چھڑی مبارک شری بڈھا امرناتھ جی واسطے روانہ ہوئی تھی۔ جت سوامی وشواتما انند سرسوتی جی نے چھڑی ودیا پوجن غی تقریب غے دوران عقیدت مندان اور سادھواں غی بڑی تعداد موجود تھی۔ دشنامی اکھاڑہ پونچھ مانہہ پُجن ور چھڑی مبارک غو جوش و خروش نال استقبال کیو گیو۔ مہارہ خبراں آلا شعبہ نال گل کرتاں واپس سوامی وشواتما انند سرسوتی نے اس طرح کہیو۔ بانٹ۔
